



## Telekommunikatsiya xizmatlarining shaxsiy hisoblarini birlashtirish shartlari

1. Ushbu shartlar doirasida “O‘zbektelekom” AK abonentlari uchun mobil aloqa, “IP-telefoniya”, telefoniya va OTT-xizmatlarini Internet (xDSL/FTTB/GPON texnologiyasi orqali) xizmatlarining (keyingi o‘rinlarda - Telekommunikatsiya xizmatlari) yagona shaxsiy hisobida birlashtirish imkoniyati mavjud bo‘ladi. Internet xizmatlarining yagona shaxsiy hisobida birlashtirilgandan so‘ng, barcha Telekommunikatsiya xizmatlari yagona abonent to‘lovi va hisob-kitob davriga ega bo‘ladi hamda yagona xizmatlar paketini tashkil qiladi.
2. Telekommunikatsiya xizmatlarini yagona shaxsiy hisobda birlashtirish imkoniyati faqat jismoniy shaxs bo‘lgan abonentlar uchun mavjud.
3. Internet xizmatlarining hajmlari, shuningdek, “IP-telefoniya” va OTT- xizmatlarini (Internet xizmatlari tariflariga kiritilgan) taqdim etish shartlari jismoniy shaxslar uchun Internetga ulanish xizmatlarining amaldagi (arxivlamagan) tarif rejalarida belgilangan.
4. Mobil aloqa uchun kiritilgan xizmatlar hajmi (MB, daqiqalar, SMS va boshqalar) ulangan tarif rejalariga (“Barakali” va “Milliy” seriyasidan) va xarid qilingan qo‘shimcha xizmatlar paketlariga qarab, har bir SIM-karta uchun alohida belgilanadi.
5. Statsionar telefoniya yoki “IP-telefoniya” (Internet xizmatining tarif rejalariga kiritilmagan “IP-telefoniya” uchun) xizmatlarining hajmi “Optimal”, “Yagona tarmoq”, “Limitsiz” tarif rejalarida, shuningdek, 125-1/1-son narxnomaga muvofiq belgilangan.
6. Internet va mobil aloqa xizmatlari birlashtirilganda abonentlarga quyidagi shartlar bo‘yicha umumiy abonent to‘lovi uchun chegirma taqdim etiladi:

Abonent to‘lovi uchun chegirma miqdori			Konvergent tarifga birlashtirish mumkin bo‘lgan telekommunikatsiya xizmatlari uchun tarif rejalar	
Internet va mobil aloqa xizmatlari konvergent tarifga birlashtirilganda chegirma miqdori quyidagi tartibda belgilanadi:			Internetga kirish xizmatlari bo‘yicha barcha amaldagi (arxivlanmagan) tarif rejalarini, jismoniy shaxslar uchun:	Mobil aloqa xizmatlari uchun tarif rejalarini: Barakali 33, Barakali 44, Barakali 55, Barakali 77, Barakali 111, Milliy 150.
xDSL/FTTB/ GPON texnologiyasi orqali Internetga kirish xizmati	1 ta GSM raqam uchun	-		
	2 ta GSM raqam uchun	5 % chegirma		
	3 ta GSM raqam uchun	10 % chegirma		
	4 ta GSM raqam uchun	15 % chegirma		
	5 ta GSM raqam uchun	20 % chegirma		

7. Ushbu chegirma ulangan qo‘shimcha xizmatlar va paketlarga tatbiq etilmaydi.

8. Telekommunikatsiya xizmatlarini Internet xizmatlarining yagona shaxsiy hisobida birlashtirish imkoniyati yangi abonentlar uchun ulanishda, shuningdek, ushbu xizmatlarga ulangan mavjud abonentlar uchun mavjud.

**Telekommunikatsiya xizmatlarini yagona shaxsiy hisobda birlashtirishning quyidagi usullari mavjud:**

- Internet va mobil aloqa xizmatlarini birlashtirish “MyUztelecom” mobil ilovasi yoki “Call-markazi” orqali, ushbu amaliyot SMS orqali tasdiqlanishi sharti bilan yoki savdo va xizmat ko‘rsatish ofisida shaxsni tasdiqlovchi hujjatlar taqdim etilishi sharti bilan, amalga oshiriladi;
- Internet xizmatlari, stasionar telefoniya yoki “IP-telefoniya” xizmatlarini birlashtirish “MyUztelecom” mobil ilovasi, “Call-markazi” yoki savdo va xizmat ko‘rsatish ofisida, barcha xizmatlar bitta shaxsga rasmiylashtirilishi sharti bilan, amalga oshiriladi;
- yagona shaxsiy hisobdan xizmatlarni chiqarib tashlash xuddi shu tarzda, ushbu bandda ko‘rsatib o‘tilgan holda amalga oshiriladi.

9. Telekommunikatsiya xizmatlari joriy hisob-kitob davrida yagona shaxsiy hisobda birlashtirilsa (masalan, qo‘shimcha mobil telefon raqamini qo‘shish), keyingi hisob-kitob davri boshidan boshlab qo‘shimcha qo‘shilgan xizmat uchun barcha xizmatlarning umumiy abonent to‘loviga chegirma beriladi.

10. Telekommunikatsiya xizmatlarini yagona shaxsiy hisobda birlashtirish vaqtida yoki undan keyin tarif rejasini 6-bandda ko‘rsatilgan istalgan amaldagi tarifga o‘zgartirish imkoniyati mavjud. Tarif rejasini o‘zgartirishning batafsil shartlari “Konvergent tarifga birlashtirilgan telekommunikatsiya xizmatlarini ko‘rsatish va tarifkatsiyalash qoidalari”da belgilangan.

11. Agar joriy hisob-kitob davrida xizmat yagona shaxsiy hisobga kiritilsa, avvalgi tarif (hisob-kitob davri)da foydalanilmagan kunlar uchun to‘lovni qayta hisoblash amalga oshirilmaydi, foydalanilmagan resurslar qoldig‘i bekor qilinadi.

12. Xizmatlar yagona shaxsiy hisobda birlashtirilganda, avval ulangan paketlar va qo‘shimcha xizmatlar bo‘yicha qoldiq (Mb, daqiqalar, SMS) asosiy xizmat bilan birga o‘tkaziladi.

13. Telekommunikatsiya xizmatlari yagona shaxsiy hisobda birlashtirilganda, mablag‘lar qoldig‘i yoki mavjud debitor qarzdorlik yagona shaxsiy hisobga o‘tkaziladi.

14. Barcha birlashtirilgan Telekommunikatsiya xizmatlari yagona hisob-kitob davriga ega bo‘ladi. Hisob-kitob sanasida asosiy va qo‘shimcha xizmatlarning abonent to‘lovini yechib olish uchun yetarli miqdorda mablag‘lar bo‘lsa, mablag‘lar yagona shaxsiy hisobdan yechib olinadi. Agar hisob-kitob sanasida shaxsiy hisobda yetarli miqdorda mablag‘lar bo‘lmasa, abonent to‘lovini yechib olish uchun yetarli miqdorda mablag‘lar kiritilgunga qadar Telekommunikatsiya xizmatlari bloklanadi. Agar abonent qurilmasi yoki sarflangan materiallar uchun to‘lovlar mavjud bo‘lsa, ushbu to‘lovlar bo‘yicha mablag‘larni yechib olish yuqori ustuvorlikka ega bo‘ladi.

15. Xizmatlar yagona shaxsiy hisobda birlashtirilganda, mobil aloqa uchun “Raqamni saqlash”, “Extrabalans”, Internet xizmatlari uchun “Ixtiyoriy blokirovka” qo‘shimcha xizmatlarini faollashtirish mumkin emas.

16. Mobil aloqa uchun “Restart” qo‘shimcha xizmati faollashtirilganda, abonent to‘lovi va ko‘rsatiladigan xizmatlar hajmi joriy hisob-kitob davri tugashigacha qolgan kunlar soniga mutanosiblashtiriladi. “Restart” xizmatini faollashtirish uchun shaxsiy hisobda mutanosiblashtirilgan abonent to‘lovini hisoblash uchun yetarli miqdorda mablag‘lar mavjud bo‘lishi lozim.

17. Birlashtirilgan xizmatlar paketlari doirasida xizmatlar ko'rsatishning boshqa shartlari va ularning tarifkatsiyalari "Konvergent tarifda birlashtirilgan telekommunikatsiya xizmatlarini ko'rsatish va tarifkatsiyalash qoidalari"da, shuningdek, telekommunikatsiya xizmatlari uchun tarif rejalarining shartlarida ko'rsatilgan.